

# Alkitab Sagan Kakanakan Mengenal akan

Yakub si  
pandusta



Panulis: Edward Hughes

Nang manggambar: M. Maillot; Lazarus  
Alastair Paterson

Nang manyusun: M. Kerr; Sarah S.

Nang mangartikan: Lega Pitanatal Amiani;  
Nadya Cristine Armelia br. Tumorang

Nang mamproduksi: Bible for Children  
[www.M1914.org](http://www.M1914.org)

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,  
sapanjang kada hagan di juali lagi.





Suahkan Tuhan  
mangirimakan bayi  
dalam kaluargamu?  
Liwat manariknya!  
Ishak lawan Ribka  
bahagia banar.  
Tuhan mambari  
hagan buhannya bayi  
kambar.

Bayi-bayi ngintu  
bakalahi dalam  
parut Ribka.  
Pas inya badua,  
Tuhan baucap  
kadua anaknya  
pacangan  
mamimpin dua  
bangsa lawab  
nang muda  
pacangan jadi labih  
kuat pada nang lainnya.  
Biasanya nang sulung jadi  
nang takuat. Imbahnya  
bayi-bayi ngintu lahir.



Si kamar ngintu kada sama parsis. Esau anak nang sulung, samunyaan awaknya jubah babulu, lawan tumbuh jadi urang nang pandai barburu. Yakub baisi kulit nang lambat lawan katuju badiam parak rumah. Abah Ishak sayang lawan Esau. Umanya Ribka mangasihi Yakub.



Pas hari ngintu, Esau marasa lapar. "Bari makanan haganku," inya baucap ka Yakub. "Jual hulu hak kasulungan ikam ke aku," minta Yakub. Esau kada paduli janji Tuhan hagan anak sulung. Inya maulah parsatujuan lawan Yakub. Damini Yakub pacangan jadi pamimpin kaluarga pas abahnya mati.



Pas malam Tuhan bapandir ka Ishak. "Aku ni Tuhan abahmu Abraham, aku basarta lawan ikam. Aku pacangan mambarkati katurunanmu." Biar Ishak mamuji Tuhan, anaknya Esau mengawini dua bini matan urang Het, urang nang kada

paduli kapada Tuhan.





Ishak jadi tuha. "Bawaakan  
haganku makanan nang nyaman  
matan daging dapatan." Inya  
baucap ka Esau. "Imbah ngintu  
aku pacangan mambarkati ikam."  
Ngini barkat nang istimewa matan  
abah hagan anak sulungnya. Esau  
lakas tulak baburu. Tapi Ribka  
mandangarkannya. Inya handak  
Yakub nang dibarkati.





Ribka baysi sabuting rancana. Pahadangan inya mamasakakan makanan nang dikatujui ulih Ishak, Yakub manyalimuti kulit anak kambing ke kadua tangan lawan gulunya. Pas itu Ishak sudah kada tapi itih.



Yakub mambawa makanan hagan Ishak. "Amun suara, suara Yakub," Ucap Ishak, "Tapi amun tangan, tanagn Esau." Imbah inya makan makanan ngintu, Ishak mambarkati anaknya nang balutut di hadapannya.



Hanyar Yakub tulak, Esau datang manamui Ishak.  
"Abah makan daging ngini," inya baucap. Ishak tahu  
pada inya imbah ditipu. "Aku  
kada kawa mangubah barkat  
nang sudah kubari."

Inya manangis. Hati  
Esau hibak lawan  
dendam. Inya baisi  
rancana hagan  
mambunuh Yakub.




Ribka mandangar Esau handak mambalas dendam.  
"Tulak ikam ka wadah pamanmu," ucapnya ka Yakub.

"Sampai kakamu kada ingat  
napa nang ikam ulah ka inya."  
Ishak satuju Yakub mambari  
bini matan kaluarga umanya.  
Jadi tulaklah Yakub matan  
rumahnya.



Pas malam ngintu, Yakub bamandak hagan guring inya maambil batu hagan bantal. Inya marasa kasunyian, marasa takutan. Tapi inya kada saurangan. Tuhan bapandir ka inya dalam mimpi nang luar biasa.





"AKU NI  
TUHAN,  
ALLAH ABRAHAM,  
LAWAN ALLAH ISHAK.  
AKU MANYARTAI IKAM.  
TANAH WADAH IKAM BARABAH NGINI  
PACANGAN KUBARIAKAN HAGANMU LAWAN  
HAGAN KATURUNANMU. ULIH KATURUNANMU  
BARATAAN KAUM DI MUKA DUNIA PACANGAN  
MANDAPAT BARKAT." Imbah Tuhan barfirman  
Yakub bangun. Inya takutan banar.



Paman Yakub nang bangaran Laban  
manarima inya. Yakub mancintai  
sapupunya Rahel lawan  
bagawi hagan Laban tujuh  
tahun lawasnya supaya inya  
kawa mangawini Rahel.



Tapi di malam  
kawinan, Laban  
mandustai Yakub.



"Ngingi Lea, lain Rahel." Ujar Yakub. "Ikam mandustai aku." "Binian nang labih tuha harus kawin badahulu." Laban manjawab. "Damini ikam kawa mangawini Rahel jua tapi ikam harus bagawi tujuh tahun lagi lawan aku." Yakub satuju. Inya ingat panipuan nang diulah ka Ishak

lawan  
Esau.





Yakub baisi tujuh anak lakian.  
Imabah batahun-tahun balalu  
inya mambawa sakaluargaan  
babulik ka Kanaan. Di sana  
urang tuhanya badiam. Tapi  
Esau badiam jua di sana lawan  
inya suah baniat hagan  
mambunuh Yakub.



Ngintu amankah hagannya?  
Pas hari ngintu Tuhan baucap  
ka Yakub supaya babulik ka  
tanah kalahirannya. Yakub  
mangumpulakan barataan  
kaluarganya lawan kambing  
dumbanya hagan bulik ka  
rumah abahnya.



Parjalanan ngintu tuntung  
lawan sukacita. Esau datang  
manamui Yakub lawan empat  
ratus urangnya! Tapi inya  
kada malukai Yakub. Inya  
bukah manamui Yakub  
lawan maragapnya. Yakub  
lawan Esau bakawanan  
pulang,



Yakub  
bulik

ka rumahnya lawan aman.



Yakub si pandusta

Sabuting kisah matan Firman Tuhan, Alkitab

Taulih dalam

Kajadian 25-33

"Amun tabuka, firman-firmanPian mambari  
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan  
satiap hari! Yohanes 3:19

